



SLUŽBENE NOVINE OPĆINE KAKANJ

IZDAVAČ:
Općina Kakanj
GODINA XVI

Broj 6/2012
Datum: 08.08.2012.
Akti: 107 – 111

GRAFIČKA PRIPREMA I ŠTAMPA:
STRUČNA SLUŽBA ZA POSLOVE
OPĆINSKOG VIJEĆA

107.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće
Broj: 0-01/1-180/12
Kakanj, 31.07.2012. god.

Na osnovu člana 1. i 24. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 19/06, 76/08, 5/09, 32/09, 9/10, 36/10, 45/10 i 25/12) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 46. sjednici održanoj dana 31.07.2012. godine donijelo je

O D L U K U

o izmjeni Odluke o izvršavanju Budžeta Općine Kakanj za 2012. godinu

Član 1.

U Odluci o izvršavanju budžeta Općine Kakanj za 2012. godinu („Službene novine Općine Kakanj“, broj: 3/12), u članu 28. stav 3. broj „2012.“ zamjenjuje se brojem „2011.“.

Član 2.

U ostalom dijelu Odluka o izvršavanju budžeta Općine Kakanj za 2012. godinu ostaje nepromijenjena.

Član 3.

Ova Odluka stupa na snagu narednog dana od dana objavljivanja u "Službenim novinama Općine Kakanj".

**PREDSJEDAVAJUĆI
OPĆINSKOG VIJEĆA**
Ivica Petrović, s.r

108.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće
Broj: 0-01/1-181/12
Kakanj, 31.07.2012. godine

Na osnovu člana 24. Statuta Općine Kakanj („Službene novine Općine Kakanj“ broj: 4/08) i člana 40. stav 2. Odluke o izvršavanju Budžeta Općine Kakanj za 2012. godinu („Službene novine Općine Kakanj“, broj: 3/12), Općinsko vijeće na 46. sjednici održanoj 31.07.2012. godine, donijelo je

O D L U K U

**o usvajanju Programa utroška sredstava
Budžeta Općine Kakanj za podsticaje u
poljoprivredi za 2012. godinu**

Član 1.

Ovom Odlukom usvaja se Program utroška sredstava Budžeta Općine Kakanj za podsticaje u poljoprivredi za 2012. godinu.

Član 2.

Sastavni dio ove Odluke je Program utroška sredstava Budžeta Općine Kakanj za podsticaje u poljoprivredi za 2012. godinu.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

PROGRAM**utroška sredstava Budžeta Općine Kakanj za
podsticaje u poljoprivredi za 2012. godinu****PODACI O PROGRAMU**

1. Program utroška sredstava Budžeta Općine Kakanj za podsticaje u poljoprivredi za 2012. godinu sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2012. godinu sa pozicije "Podsticaj razvoju poljoprivrede, stočarstva, voćarstva, peradi i sela" (u daljem tekstu: Program).
2. Period realizacije Programa:
Isplata podsticaja se odnosi na poljoprivrednu proizvodnju koja je realizirana u periodu od 01.01.- 31.12.2012. godine.
3. Ukupna vrijednost Programa: 90.000KM
4. Namjena programa:
Animalna i biljna proizvodnja, kapitalna ulaganja, sufinansiranje projekata, otkup poljoprivrednih proizvoda, pomoć udruženjima poljoprivrednih proizvođača, skupovi od značaja za sektor poljoprivrede i ruralni razvoj, rezerva.
5. Korisnici programa:
Poljoprivredni proizvođači, zadruge i udruženja poljoprivrednih proizvođača sa područja općine Kakanj.
6. Izvor sredstava:
Budžet Općine Kakanj za 2012. godinu, pozicija „Podsticaj razvoju poljoprivrede,

stočarstva, voćarstva, peradi i sela“, ekonomski kod: 614300, ("Službene novine Općine Kakanj", broj: 03/12).

7. Odgovorna osoba: Općinski načelnik, Jašarspahić Mensur - Suri.

I UVOD

Programom utroška sredstava Budžeta Općine Kakanj za podsticaje u poljoprivredi za 2012. godinu, Općina Kakanj namjerava osnažiti poljoprivredne proizvođače i učvrstiti lanac koji povezuje proizvodnju, preradu i plasman poljoprivrednih proizvoda.

Pored ovog cilja postoje i drugi specifični ciljevi Programa, a to su:

- stvaranje porodičnih gazdinstava,
- stvaranje tržišno orjentisanih proizvođača,
- intenziviranje postojeće poljoprivredne proizvodnje,
- povećanje obradivih površina,
- smanjenje stope nezaposlenosti.

U članu 26. Zakona o poljoprivredi ("Sl. novine FBiH" broj 88/2007) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Općine Kakanj za 2012. godinu predviđeno 90.000,00 KM za podsticanje poljoprivredne proizvodnje, što predstavlja kontinuirano izdvajanje iz ukupnog Budžeta za poljoprivredu na području općine.

Program utroška sredstava Budžeta Općine Kakanj za podsticaje u poljoprivredi za 2012. godinu podrazumijeva jednokratne isplate za stimulisanje animalne i biljne proizvodnje, kapitalna ulaganja, podizanje dugogodišnjih zasada voća, sufinansiranje projekata iz oblasti poljoprivrede, otkup poljoprivrednih proizvoda, pomoć udruženjima poljoprivrednih proizvođača i zadrugama.

Nakon usvajanja Programa podsticaja od strane Općinskog vijeća, Služba za poduzetništvo, društvene djelatnosti, eko zaštite i inspekcije poslove će putem nadležne općinske službe, mjesnih zajednica, udruženja poljoprivrednih

proizvođača, zadruga i sredstava javnog informisanja, obavijestiti poljoprivrednike o podsticajnim mjerama, kao i o kriterijima koji moraju biti ispunjeni da bi podsticajna sredstva bila odobrena.

U izradi Programa za 2012. godinu uvažavali su se sljedeći parametri:

- resursne mogućnosti općine Kakanj,
- kontinuitet podsticajnih mjera i iskustva u realizaciji novčanih podsticaja prethodnih godina,
- analiza Pravilnika o načinu i uvjetima ostvarenja novčane podrške po modelu poticaja proizvodnji („Sl.novine FBiH“, broj: 77/11),
- analiza Programa novčanih podsticaja u poljoprivredi Vlade ZE-DO kantona za 2012 godinu,
- sugestije učesnika u sektoru poljoprivrede (udruženja poljoprivrednih proizvođača i dr.),
- visina sredstava koja su predviđena Budžetom Općine Kakanj,
- i drugi parametri.

Na osnovu navedenih parametara sačinjen je Program utroška novčanih sredstava sa kriterijima raspodjele sredstava sa pozicije “Podsticaj razvoju poljoprivrede, stočarstva, voćarstva, peradi i sela” odobrenih u Budžetu Općine Kakanj za 2012. godinu.

II NAČIN OSTVARIVANJA PODSTICAJA

Novčane podsticaje u primarnoj poljoprivrednoj proizvodnji mogu ostvariti poljoprivredni proizvođači, udruženja poljoprivrednih proizvođača i zadruge sa područja općine Kakanj, koji su upisani u Registar poljoprivrednih gazdinstava i Registar klijenata, te ispunjavaju uvjete i kriterije propisane ovim Programom, kao i potrebna dokumentacija, obrasci, rokovi, visina podsticaja, transparentnost i dr.

Poljoprivredni proizvođači, udruženja poljoprivrednih proizvođača, zadruge u predviđenom roku podnose zahtjev sa propisanom dokumentacijom putem prijemne kancelarije Općine Kakanj, Komisiji za podsticaje u oblasti

poljoprivrede, imenovanoj od strane Općinskog načelnika.

Nakon provjere i obrade dostavljene dokumentacije, Komisija za podsticaje, na terenu utvrđuje činjenično stanje i sačinjava Zapisnik, te za one kandidate koji ispunjavaju propisane kriterije obračunava visinu novčanih podsticaja i dostavlja Službi za finansije radi isplate.

Isplata podsticajnih sredstava će se vršiti na tekući račun korisnika, otvoren kod poslovnih banaka.

Ukoliko Komisija za podsticaje zapisnikom utvrdi da podnosilac zahtjeva ne ispunjava kriterije za ostvarivanje podsticaja, isti se pismeno obavještava i predmet se arhivira.

III SVRHA PROGRAMA

Svrha Programa je:

1. intenziviranje postojeće poljoprivredne proizvodnje,
2. povećanje obradivih površina,
3. povećanje obima poljoprivredne proizvodnje,
4. zadovoljavanje potreba domaćeg tržišta vlastitim proizvodima,
5. stabilizacija tržišta,
6. ruralni razvoj i
7. samozapošljavanje u porodičnom domaćinstvu.

Predviđeni novčani podsticaji su ekonomskog karaktera koji priznaju robnu proizvodnju kod farmera i stvaraju uvjete za prodaju proizvoda na domaćem i širem tržištu.

IV IZNOS SREDSTAVA I VRSTA PODSTICAJA SA KRITERIJIMA

Novčana sredstva odobrena u Budžetu Općine Kakanj za 2012. godinu iznose 90.000,00 KM.

Sredstva se raspoređuju u više oblasti poljoprivrede i druge namjene, a u skladu sa Programom utroška sredstava:

1. Poljoprivredna proizvodnja
 - 1.1. Podsticaj za animalnu proizvodnju,
 - 1.2. Podsticaj za biljnu proizvodnju,
2. Podsticaj kapitalnim ulaganjima

- 2.1. Podizanje višegodišnjih zasada šljive na području općine Kakanj (samozapošljavanje za 5 korisnika)
3. Sufinansiranje projekata
 - 3.1. Učešće Općine Kakanj u realizaciji Projekta " Smanjenje siromaštva kroz podršku lokalnom ekonomskom razvoju i ekonomskom osnaživanju u centralnoj BiH" BOS 203 u 2012/2013 godini" u saradnji sa njemačkom nevladinom organizacijom "Help" sa sjedištem u Sarajevu.
4. Podsticaj otkupljivačima poljoprivrednih proizvoda
 - 4.1. Podsticaj za otkup ljekovitog bilja, voća i povrća,
5. Podsticaj skupovima od značaja za sektor poljoprivrede i ruralnog razvoja
 - 5.1. Dani organske proizvodnje u općini Kakanj
 - 5.2. III Državna izložba pasa svih pasmina Kakanj 2012.
 - 5.3. Sufinansiranje teoretske i praktične edukacije iz oblasti poljoprivrede.
6. Rezerve
 - 6.1. Neisplaćeni podsticaji u oblasti poljoprivrede u 2011. godini
 - 6.2. Sredstva za hitne i nepredviđene aktivnosti u oblasti poljoprivrede

U slučaju da se utvrđena sredstva po vrstama novčanih podsticaja iz objektivnih razloga u cijelosti ili djelomično ne iskoriste, Općinski načelnik će Zaključkom omogućiti da se neutrošena sredstva usmjere na druge stavke unutar iste oblasti, odnosno iz oblasti u oblast.

1. POLJOPRIVREDNA PROIZVODNJA

1.1. ANIMALNA PROIZVODNJA

1.1.1. Proizvodnja svježeg kravljeg mlijeka

Pravo na podsticaj, imaju proizvođači svježeg kravljeg mlijeka koji imaju sklopljen Ugovor za tekuću godinu o otkupu kravljeg mlijeka sa registriranim otkupljivačem mlijeka. Za ostvarivanje podsticaja potrebno je da se dostavi ovjerena

Potvrda o otkupljenoj količini svježeg kravljeg mlijeka za poljoprivredne proizvođače sa područja općine Kakanj, sa navedenim isporučenim količinama kravljeg mlijeka po kvartalima, izdata od strane registriranog otkupljivača kravljeg mlijeka.

Iznos podsticaja je do 0,03 KM/litar (Zavisno od broja prijavljenih).

- Potrebna dokumentacija za ostvarivanje podsticaja
- Zahtjev za ostvarivanje prava na podsticaje za animalnu proizvodnju,
 - Općinska administrativna taksa od 3,00 KM,
 - Kopija važećeg mliječnog kartona,
 - Kopija Ugovora o otkupu mlijeka za tekuću godinu sa registriranim otkupljivačem svježeg kravljeg mlijeka,
 - Potvrda o otkupljenoj količini svježeg kravljeg mlijeka izdata od registriranog otkupljivača svježeg kravljeg mlijeka po kvartalima,
 - Kopija Potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
 - Kopija kartice broja bankovnog računa.

Rok za podnošenje zahtjeva je:

- za I i II kvartal do 30.09.2012. godine,
- za III kvartal do 15.10.2012. godine,
- za IV kvartal do 20.12.2012. godine.

Za realizaciju posla zadužuje se Komisija
Procjena iznosa potrebnih sredstava je 8.000KM.

1.1.2. Podsticaj za pčelarstvo

Podsticaj za pčelare članove UGP « Bagrem » i UGP „Matica“ Kakanj iz Kakanja koji imaju od 1-19 košnica

Iznos podsticaja je do 5,00 KM/ košnici (Zavisno od broja prijavljenih).

Kriteriji koje mora ispuniti podnosilac zahtjeva za dobijanje novčane naknade na ime podsticaja za pčelarstvo su:

- da podnosilac zahtjeva posjeduje do 19 košnica,

- da registrirana udruženja pčelara „Bagrem“ Kakanj i „Matica“ Kakanj pismeno potvrde da je podnositelj zahtjeva pčelar koji svoju djelatnost obavlja na području općine Kakanj sa tačno naznačenim brojem košnica koje posjeduje u vlasništvu.

Potrebna dokumentacija za ostvarivanje podsticaja

- Zahtjev za ostvarivanje prava na podsticaje za animalnu proizvodnju
- Općinska administrativna taksa od 3,00 KM
- Potvrda od udruženja pčelara „Bagrem“ Kakanj i „Matica“ Kakanj da je podnositelj zahtjeva pčelar koji svoju djelatnost obavlja na području općine Kakanj sa tačno naznačenim brojem košnica koje posjeduje u vlasništvu,
- Kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
- Kopija kartice broja bankovnog računa.

Realizacija – do 30.09.2012.godine.

Za realizaciju posla zadužuje se Komisija u saradnji sa UGP «Bagrem» iz Kakanja i UGP „Matica“ Kakanj.

Procjena iznosa potrebnih sredstava je 3.000KM.

1.1.3. Podsticaj za svinjogojstvo

Pravo na podsticaj imaju uzgajivači koji kandidiraju od 1 do 4 kvalitetne rasplodne krmače.

Podstiču se samo kvalitetne rasplodne krmače starije od 12 mjeseci i ostavljene u rasplodu za najmanje još jednu generaciju potomaka.

Grla kandidirana za podsticaj moraju biti obilježena ušnom markicom, u skladu sa Pravilnikom o obaveznom označavanju i upisu u jedinstveni registar ovaca, koza i svinja te vođenju evidencija.

Ukoliko se utvrdi da grlo koje se kandidira nije obilježeno ušnom markicom, vlasnik grla nema pravo na ostvarivanje podsticaja za to kandidirano grlo.

U uzgoju mora biti osiguran stalni veterinarsko - zdravstveni nadzor, a nadležne veterinarske službe

potvrđuju da su nad kandidiranim grlima provedene sve propisane mjere.

Kvalitetne rasplodne krmače koje ispunjavaju uvjete, podstiču se do 100 KM/grlu (Zavisno od broja prijavljenih).

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za animalnu proizvodnju,
- Općinska administrativna taksa od 3,00 KM,
- Potvrda od nadležne veterinarske stanice o provedenim mjerama zdravstvene zaštite,
- Kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
- Kopija kartice broja bankovnog računa.

Rok za podnošenje zahtjeva je do 21.09.2012. godine.

Za realizaciju posla zadužuje se Komisija

Procjena iznosa potrebnih sredstava je 2.500 KM

1.1.4. Proizvodnja konzumnih jaja

Pravo na podsticaj imaju poljoprivredni proizvođači koji na teritoriji općine Kakanj u vlastitom ili zakupljenom objektu imaju zastupljenu proizvodnju konzumnih jaja sa minimalno 100 i maksimalno 1.500 komada pilenki lakih linija.

Podnositelj zahtjeva mora biti ujedno vlasnik proizvodnih objekata ili potpisnik Ugovora o zakupu objekta.

Iznos podsticaja iznosi do 1,00 KM/pilenka (Zavisno od broja prijavljenih).

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za animalnu proizvodnju,
- Općinska administrativna taksa od 3,00 KM,
- Dokaz o vlasništvu objekta ili Ugovor o zakupu objekta,
- Kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
- Račun o nabavci pilenki,
- Kopija kartice broja bankovnog računa.

Rok za podnošenje zahtjeva je do 30.09.2012. godine.

Za realizaciju posla zadužuje se Komisija
Procjena iznosa potrebnih sredstava je 4.000 KM.

1.1.5. Tov pilića – brojlera

Pravo na podsticaj imaju poljoprivredni proizvođači-uzgajivači koji na teritoriji općine Kakanj u vlastitom ili zakupljenom objektu imaju zastupljenu proizvodnju brojlera, te usele najmanje 100 komada, a maksimalno 500 komada brojlera u jednom turnusu. Turnus brojlera podrazumijeva jednovremeni početak i jednovremeni završetak tova jedinki iste starosne dobi.

Podnosilac zahtjeva mora biti ujedno vlasnik proizvodnih objekata ili potpisnik Ugovora o zakupu objekta.

Datum nabavke (račun), smatra se početkom proizvodnje.

Jedan poljoprivredni proizvođač ima pravo na podsticaj za samo jedan turnus u toku godine.

Uzgajivač je dužan podnijeti zahtjev u roku od 10 dana, nakon useljenja turnusa.

Iznos podsticaja je do 0,50 KM/brojleru (Zavisno od broja prijavljenih).

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za animalnu proizvodnju,
- Općinska administrativna taksa od 3,00 KM,
- Dokaz o vlasništvu objekta ili Ugovor o zakupu objekta,
- Kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
- Račun o nabavci brojlera,
- Kopija kartice broja bankovnog računa.

Rok za podnošenje zahtjeva je do 30.09.2012. godine.

Za realizaciju posla zadužuje se Komisija
Procjena iznosa potrebnih sredstava je 4.000KM.

1.1.6. Tov junadi

Pravo na podsticaj imaju poljoprivredni proizvođači /uzgajivači sa područja općine Kakanj koji ispunjavaju slijedeće uvjete:

- imaju vlastiti ili zakupljeni objekat za smještaj grla
- utove u jednom turnusu 1-2 grla iz domaćeg uzgoja
- uvedu u tov telad starosti do 6 mjeseci, težine do 210 kg
- da su grla obilježena ušnim markicama,
- drže junad u tovu najmanje 200 dana

Ukoliko se utvrdi da grlo koje se kandidira nije obilježeno ušnom markicom, vlasnik grla nema pravo na ostvarivanje podsticaja za to kandidirano grlo.

U uzgoju mora biti osiguran stalni veterinarsko - zdravstveni nadzor, a nadležne veterinarske službe potvrđuju da su nad kandidiranim grlima provedene sve propisane mjere.

Iznos podsticaja je do 100 KM/grlu (Zavisno od broja prijavljenih).

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za animalnu proizvodnju,
- Općinska administrativna taksa od 3,00 KM,
- Dokaz o vlasništvu objekta ili Ugovor o zakupu objekta
- Potvrda od nadležne veterinarske stanice o provedenim mjerama zdravstvene zaštite,
- Kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
- Kopija kartice broja bankovnog računa.

Rok za podnošenje zahtjeva je do 12.10.2012. godine.

Za realizaciju posla zadužuje se Komisija
Procjena iznosa potrebnih sredstava je 4.000 KM.

1.2. BILJNA PROIZVODNJA**1.2.1. Podsticaj za plasteničku proizvodnju**

Pravo na ostvarivanje podsticaja mogu ostvariti poljoprivredni proizvođači koji ispunjavaju slijedeće uvjete:

- u plasteniku imaju zasnovanu proizvodnju povrća,
- imaju plastenike površine od 100 m² do 400 m²
- da je visina konstrukcije na najvišem dijelu minimalno 2 m,
- da su plastenici metalne konstrukcije (metalne cijevi) sa UV folijom, zatvoreni sa čeonih strana i montiranim vratima za ulazak i izlazak.

Podsticaj iznosi:

- 2,00 KM/m² za korisnike koji su registrirani za samostalnu poljoprivrednu djelatnost-osnovna djelatnost (fizička lica) (Zavisno od broja prijavljenih),
- 1,00 KM/m² za korisnike koji nisu registrirani za samostalnu poljoprivrednu djelatnost (Zavisno od broja prijavljenih).

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za biljnu proizvodnju,
- Općinska administrativna taksa od 3,00 KM,
- Uvjerenje nadležne općinske službe da stranka trenutno obavlja samostalnu poljoprivrednu djelatnost,
- Kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
- Kopija kartice broja bankovnog računa.

Rok za podnošenje zahtjeva je do 30.09.2012. godine.

Za realizaciju posla zadužuje se Komisija

Procjena iznosa potrebnih sredstava je 7.000,00 KM.

1.2.2. Podsticaj za žetvu strnih žita

Pravo na podsticaj za žetvu strnih žita imaju fizička lica koja ispunjavaju slijedeće uvjete:

- da su izvršili sjetvu strnih žita na površini od 3 -10 dunuma
- da je sjetva obavljena u skladu sa agrotehničkim rokovima i standardnom agrotehnikom,

Podsticaj iznosi do 35,00 KM/ po dunumu (Zavisno od broja prijavljenih).

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za biljnu proizvodnju,
- Općinska administrativna taksa od 3,00 KM,
- Kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica),
- Kopija Posjedovnog lista,
- Kopija kartice broja bankovnog računa.

Rok za podnošenje zahtjeva je do 30.09.2012. godine.

Za realizaciju posla zadužuje se Komisija.

Procjena iznosa potrebnih sredstava je 9.000 KM.

1.2.3. Sufinansiranje organizovanog zasnivanja zasada jagodičastog voća (malina i kupina)

Pravo na podsticaj za organizovano zasnivanje zasada maline i kupine imaju korisnici koji su zasadili malinu i kupinu na površini od 1- 3 dunuma u 2012. godini i da su u zasadu provedene mjere osnovne obrade i održavanja zemljišta.

Podsticaj mogu ostvariti proizvođači koji su zasad maline ili kupine zasnovali na vlastitoj parceli ili parceli pod ugovorom o zakupu zemljišta sklopljen najmanje na 10 godina.

Podsticaj iznosi do 100,00 KM/ po dunumu (Zavisno od broja prijavljenih)

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za biljnu proizvodnju
- Općinska administrativna taksa od 3,00 KM,
- Potvrda o upisu u Registar poljoprivrednih gazdinstava od općinske službe prema mjestu prebivališta (fizička lica), Vlasništvo nad parcelom (kopija ZK izvadka ili Posjedovnog lista)
- Ugovor o zakupu zemljišta sa kopijom ZK izvadka ili kopijom Posjedovnog lista
- Kopija kartice broja bankovnog računa.

Rok za podnošenje zahtjeva je do 30.09.2012. godine.

Za realizaciju posla zadužuje se Komisija.

Procjena iznosa potrebnih sredstava je 2.000KM.

2. PODSTICAJ OTKUPLJIVAČIMA POLJOPRIVREDNIH PROIZVODA

2.1. Podsticaj za otkuplivače ljekovitog bilja, voća i povrća

Podsticaj za organizovan otkup ljekovitog bilja, voća i povrća od individualnih poljoprivrednih proizvođača sa područja općine Kakanj.

Iznos podsticaja je 0,02 KM/kg otkupljenog ljekovitog bilja, svježeg voća i povrća.

Uvjeti koje mora ispuniti otkuplivač za novčani podsticaj za otkup ljekovitog bilja, voća i povrća:

- da je registriran za navedenu djelatnost;
- da ima potvrdu o predatoj količini (sa imenima i prezimenima proizvođača, JMBG, predate količine i vrste voća i/ili povrća).

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za biljnu proizvodnju,
- Općinska administrativna taksa od 3,00 KM,
- Kopija Rješenja o registraciji za navedenu djelatnost,
- Ovjereni primjerak Otkupnog lista (ovjeren vlastitim pečatom) za svakog poljoprivrednog proizvođača (kooperanta)

- Potvrda o upisu u Registar poljoprivrednih gazdinstava od općinske službe prema mjestu prebivališta (fizička lica) ili prema sjedištu (pravna lica),
- Kopija tekućeg / žiro račun.a

Rok za podnošenje zahtjeva je do 31.10.2012. godine.

Za realizaciju posla zadužuje se Komisija

Procjena iznosa potrebnih sredstava je 2.500 KM

PODSTICAJ KAPITALNIM ULAGANJIMA

3.1. Podizanje višegodišnjih zasada šljive na području općine Kakanj (samozapošljavanje za 5 korisnika)

Realizacijom ovog Programa bilo bi obuhvaćeno 5 korisnika prioriternih kategorija stanovništva (nezaposleni), koji ispunjavaju dole navedene uvjete:

- posjeduju 2 dunuma poljoprivrednog zemljišta,
- obave osnovnu i dopunsku obradu zemljišta,
- obezbijede neophodne količine stajskog đubriva.

Podsticaj mogu ostvariti i korisnici koji imaju sklopljen Ugovor o zakupu zemljišta najmanje na 15 godina.

Za realizaciju ovog Programa po jednom korisniku za površinu od 2 dunuma, Općina Kakanj bi izdvojila sredstva u iznosu od 1.000,00 KM po korisniku, i to za :

- 190 komada dvogodišnjih sadnica šljive,
- Agropedološki nalaz zemljišta,
- 100 kg mineralnog đubriva (NPK 7:20:30),
- Stručni nadzor, praktičnu i teoretsku edukaciju.

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za biljnu proizvodnju

- Općinska administrativna taksa od 3,00 KM,
- Potvrda o upisu u Registar poljoprivrednih gazdinstava od općinske službe prema mjestu prebivališta (fizička lica), Vlasništvo nad parcelom (kopija ZK izvadka ili Posjedovnog lista)
- Ugovor o zakupu zemljišta sa kopijom ZK izvadka ili kopijom Posjedovnog lista
- Kopija kartice broja bankovnog računa.

Rok za raspisivanje javnog poziva i realizaciju projekta je juli – novembar 2012. godine.

Za realizaciju posla zadužuje se Komisija za javne nabavke i Komisija za podsticaje.

Procjena iznosa potrebnih sredstava je 5.000,00 KM

Napomena: Ima zainteresiranih zadruga koje bi potpisale Ugovor sa korisnicima ovog Programa za otkup tržnih viškova ploda šljive.

4. SUFINANSIRANJE PROJEKATA

4.1. Sufinansiranje projekata u saradnji sa njemačkom nevladinom organizacijom „Help“- pilot projekat

Općina Kakanj je potpisala Ugovor sa njemačkom nevladinom organizacijom „Help Hilfe zur Selbsthilfe e.V.“ sa sjedištem u Sarajevu., a vezano za projekat pod nazivom „ Smanjenje siromaštva kroz podršku lokalnom ekonomskom razvoju i ekonomskom osnaživanju u centralnoj BiH“ BOS 203 u 2012/2013 godini.

Cilj Projekta je stimulacija pokretanja malih biznisa putem dodjele materijalnih donacija i obuke, što će poduzetnicima olakšati početak poslovanja i pružiti bolje šanse za uspjeh. Osobe koje imaju registriran biznis imaju priliku na osnovu donacije zaposliti jednu ili više osoba. Izabrani korisnici će primiti materijalnu donaciju po sopstvenom izboru u protuvrijednosti od 1.600 Eura ili 3.123,32 KM za ideje iz oblasti poljoprivrede i 1.800 Eura ili 3.520,50 KM za ideje iz oblasti zanata i usluga, kao

i obuku u skladu sa potrebama odabrane djelatnosti.

Projekat je namjenjen prvenstveno nezaposlenim osobama koje imaju kvalitetnu ideju za mali privatni biznis kojim bi sebi osigurali posao i stabilan izvor prihoda. Projekat je otvoren za sve punoljetne osobe sa redovnim prebivalištem u Općini Kakanj. Prednost će imati mlade osobe, samohrani roditelji i osobe sa invaliditetom.

Sufinansiranje projekta bi bilo slijedeće:

- a) Help sa 53.532,50 KM ili 55 %
- b) Općina Kakanj sa 31.000 KM ili 30 % i
- c) Krajnji korisnici sa 14.917,50 KM ili 15 %.

što ukupno iznosi oko 99.450,00 KM

Također njemačka nevladina organizacija „Help“ sa sjedištem u Sarajevu bi za 10 naprednih korisnika ovog projekta u oblasti poljoprivrede omogućila organsku certifikaciju proizvodnje, te organizovala bar dva Sajma svojih korisnika, od kojih će jedan biti održan u Sarajevu, a drugi u Mostaru, gdje bi pored gore navedenog iznosa izdvojili još 20.000,00 KM.

U saradnji sa njemačkom nevladinom organizacijom „Help“ sa sjedištem u Sarajevu, do sada su realizirane slijedeće aktivnosti:

- Obavijest prema svim zainteresiranim za Projekat putem lokalnih medija,
- Obavljeno plakatiranje po MZ,
- Održan informativni sastanak i prezentacija Projekta predsjednicima savjeta MZ,
- Održana 4 informativna sastanka i prezentacije Projekta zainteresiranim sa područja općine Kakanj,
- Podjeljeno oko 200 aplikacija,

Krajnji rok za dostavu aplikacija je bio 04.06.2012.godine.

Ukupno u kancelarije „Help-a“ Sarajevo prispjelo je 127 aplikacija, od kojih je 87 aplikacija ušlo u prvu selekciju. Svih 87 aplikacija će biti običeno na terenu kako bi se uvjerilo u istinitost datih podataka, te će od njih, 30 aplikacija, možda čak i više (u

zavisnosti od cijena tražene opreme putem javne nabavke) biti izabrano kao krajnji korisnici. Za realizaciju posla zadužuje se Komisija.

Iznos potrebnih sredstava je 31.000 KM.

5. PODSTICAJ SKUPOVIMA OD ZNAČAJA ZA SEKTOR POLJOPRIVREDE I RURALNOG RAZVOJA

5.1. Dani organske proizvodnje u općini Kakanj- 1.000,00 KM

5.2. III Državna izložba pasa svih pasmina Kakanj 2012.- 500,00 KM

5.3. Sufinansiranje teoretske i praktične edukacije- 2.000,00 KM

Za realizaciju posla zadužuje se Komisija sa organizatorima manifestacija
Procjena iznosa potrebnih sredstava je 3.500,00 KM

6. REZERVE

6.1. Neisplaćeni podsticaji u oblasti poljoprivrede u 2011.godini

Realizacija – 15 dana nakon usvajanja Programa
Za realizaciju posla zadužuje se Komisija
Iznos potrebnih sredstava je 2.200,00 KM

6.2. Sredstva za hitne i nepredviđene aktivnosti u oblasti poljoprivrede koji se pojave tokom budžetske godine, u skladu sa utvrđenim kriterijima ovog Programa.

Realizacija – do kraja decembra tekuće godine
Za realizaciju posla zadužuje se Komisija.
Procjena iznosa potrebnih sredstava je 2.300KM.

Tabelarni pregled općinskih podsticaja po oblastima u 2012. godini sa iznosima podsticaja po jedinici mjere

Naziv podsticaja	Iznos podsticaja po jedinici mjere	Procjena iznosa sredstava u KM
1.1.1.Proizvodnja mlijeka	do 0,03 KM/l	8.000,00
1.1.2. Pčelarstvo	do 5KM/košnici	3.000,00
1.1.3. Svinjogojstvo	do 100KM/grlu	2.500,00
1.1.4.Proizvodnja kokošijih jaja	do1KM/pilenka	4000,00
1.1.5. Tov brojlera	do 0,5KM/brojleru	4000,00
1.1.6. Tov junadi	do 100KM/grlu	4000,00
UKUPNO ANIMALNA PROIZVODNJA		25.500,00
1.2.1.Plastenička proizvodnja	- 2KM/m ² reg. proizvođači -1KM/m ² nereg.proizvođači	7.000,00
1.2.2.Žetva strnih žita	do 35KM/dunumu	9.000,00
1.2.3.Zasnivanje zasada maline i kupine	do100KM/dunumu	2.000,00
UKUPNO BILJNA PROIZVODNJA		18.000,00
2.1. Otkup ljekobilja, voća i povrća	0,02 KM/kg	2.500,00
UKUPNO OTKUPLJIVAČI		2.500,00
3.1.Podizanje višegodišnjih zasada šljive na području općine Kakanj (samozapošljavanje za 5 korisnika)	1.000 KM/korisniku	5.000,00
UKUPNO KAPITALNA ULAGANJA		5.000,00
4.1.Sufinansiranje projekta sa njemačkom NVO "Help"		31.000,00
UKUPNO SUFINANSIRANJE PROJEKATA		31.000,00

5.1. Dani organske proizvodnje u općini Kakanj 2012.godine		1.000,00
5.2. III Državna izložba pasa svih pasmina Kakanj 2012		500,00
5.3. Teoretske i praktične edukacije		2.000,00
UKUPNO PODSTICAJ SKUPOVIMA OD ZNAČAJA ZA SEKTOR POLJOPRIVREDE I RURALNOG RAZVOJA		3.500,00
6.1. Neisplaćeni podsticaji u oblasti poljoprivrede u 2011.godini		2.200,00
6.2. Sredstva za hitne i nepredviđene aktivnosti u oblasti poljoprivrede koji se pojave tokom budžetske godine		2.300,00
UKUPNO REZERVNA SREDSTVA		4.500,00
SVE UKUPNO		90.000,00

Napomena: Kolona pod nazivom procjena iznosa sredstava u KM je samo projekcija mogućeg utroška sredstava, tako da će ovisno o broju zahtjeva biti moguće preusmjeravanje sredstava iz jednog podsticaja u drugi.

VI REALIZACIJA PROGRAMA

Program će se realizirati po kriterijima koji su sastavni dio ovog Programa i istim će biti obuhvaćeni oni poljoprivredni proizvođači koji ne ispunjavaju kantonalne i federalne kriterije za podsticaje.

Po realizaciji Programa, Komisija za podsticaje će sačiniti Izvještaj o utrošku novčanih sredstava.

**PREDSJEDAVALAČI
OPĆINSKOG VIJEĆA**
Ivica Petrović, s.r

109.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-183/12

Kakanj, 31.07.2012. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06) i člana 24. Statuta Općine Kakanj („Službene novine Općine Kakanj“ broj: 4/08), Općinsko vijeće na 47. sjednici održanoj 31.07.2012. godine, donijelo je

O D L U K U
o usvajanju Izvještaja o poslovanju JP
„Vodokom“ d.o.o. Kakanj
za 2011. godinu

Član 1.

Ovom Odlukom usvaja se Izvještaj JP „Vodokom“ d.o.o. Kakanj za period 01.01. – 31.12.2011. godine.

Član 2.

Sastavni dio ove Odluke je Izvještaj JP „Vodokom“ d.o.o. Kakanj za period 01.01. – 31.12.2011. godine.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**
Ivica Petrović, s.r

110.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-184/12

Kakanj, 31.07.2012. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 47. sjednici održanoj 31.07.2012. godine, donijelo je

ZAKLJUČAK**o prihvatanju Informacije o radu Policijske
stanice Kakanj za period januar – maj 2012.
godine****Član 1.**

Općinsko vijeće prihvata Informaciju o radu Policijske stanice Kakanj za period januar – maj 2012. godine.

Član 2.

Sastvni dio ovog Zaključka je Informacija o radu Policijske stanice Kakanj za period januar – maj 2012. godine.

Član 3.

Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

111.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-185/12

Kakanj, 31.07.2012. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 47. sjednici održanoj 31.07.2012. godine, razmatrajući

**Informaciju o radu Komisije za stimulatивно
zapošljavanje pripravnika**

usvojilo je slijedeći

ZAKLJUČAK

1. Da se za narednu sjednicu Općinskog vijeća sačini informacija o radu Komisije, rangiranju i odabiru kandidata za stimulatивно zapošljavanje pripravnika po raspisanom konkursu a prema Odluci o uvjetima i postupku stimulatивноg zapošljavanja pripravnika.
2. Za realizaciju ovog Zaključka zadužuje se Komisija za stimulatивно zapošljavanje pripravnika imenovana Rješenjem Općinskog načelnika.
3. Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

S A D R Ž A J
“SLUŽBENIH NOVINA OPĆINE KAKANJ” BROJ 6/12

107. Odluka o izmjeni Odluke o izvršavanju Budžeta Općine Kakanj za 2012.godinu	1
108. Odluka o usvajanju Programa utroška sredstava Budžeta Općine Kakanj za podsticaj u poljoprivredi za 2012.godini	1
109. Odluka o usvajanju Izvještaja o poslovanju JP „Vodokom“ d.o.o Kakanj za 2011.godinu	11
110. Zaključak o prihvatanju Informacije o radu Policijske stanice Kakanj za period januar – maj 2012.godine.....	12
111. Zaključak uz Informaciju o radu Komisije za stimulatивно zapošljavanje pripravnika	12